四庫全書薈要•乾

隆 御 览

本 子部

欽定四庫全書管要我科子內為卷二

詳校官主事臣陳木



OF TOTAL CITY 陳無彼無此也命屬生星則其人必好仙道好仙 抱朴子内篇卷二 所值受氣結胎各有星宿天道無為任物自然無 而周孔大聖無久視之祚哉抱朴子曰命之脩短 起皇穹至神賦命宜均何為使喬松凡人受不死之 塞難第七 花科子内篇 晋 葛洪 棋 道 實 親

之事也或人難曰良工所作皆由其手天之神明何所 譬 未之敢許也抱朴子答曰渾語剖判清濁以陳或异 求之亦必得也命屬死星則其人亦不信仙道則亦 動或降而静彼天地猶不知所以然也萬物感氣並 自修其事也所樂善否判於所東移易于奪非天所 女口八人 為而云人生各有所值非彼昊蒼所能匠成愚甚感 形而器械之利鈍罌罄之邪正適遇所遭非復爐竈 猶金鐵之銷於爐冶藝五之甄於附電雖由之以

萌 萬 天地之大故党萬物之小有萬 秀而山林非有事馬魚鱉之托水澤以産育而水 自然與彼天地各為一 為萬物之父母萬物為天地之子孫夫聶生於我豈 且夫腹背雖包圍五職 物而萬物非天地之所為也譬猶草水之因山林 為馬俗人見天地之大也以萬物之小也因曰天 經夏血氣而血氣非肌膚之所造也天地雖含豪 抱針子内藏 物但成有先後體有巨細耳 而五臟非腹背之所作 物之小故覺天地 نعو

四時不失序由兹論之大壽之事果不在天地仙决 之所作故蟲非我不生而我非蟲之父母蟲非我之 耳目常聰明祭衛 於翠蘸之秀於松 則天亦不能自知其體盈縮災祥之所以人不 遠况近以此推彼人不能自知其體老少痛痒之 蠑蠓之育於醯醋芝橘之産於木石蛞蜒之滋 之間豈有異乎斯哉天有日月寒暑人有瞻視呼 枝非彼四物所創匠也萬物盈 不 報閱則天亦不能使日月不薄

之永壯而不老常使而不疾喜怒不失宜謀慮無悔 天地遼潤者哉父母循復其遠者也我自有身不能 頑囂或支離的塞所得非所欲也所欲非所得也况乎 氣力延我年命而或挫陋匹弱或且黑且酿或聲盲 必中適姿容必妍麗性理必平和智慧必高速多致 親客乎此者也莫有制御乎此者也二者已不能 授氣流形者父母也受而有之者我身也其餘則 為也夫生我者父也娘我者母也循不能令我形

灾定四庫全書

抱扑于内阁

善無近福惡無近禍生無定年死無常分盛德哲人秀 而 不霸王壽不盈百此非天有為之驗也聖人之死 也天若能以至德與之而使之所欲不全功業不 益於我矣天地亦安得與知之乎必若人物皆天地 所東之有自然非天地所剖分也聖之為德德 殺則聖人之生非天所提也賢不必壽愚不必天 揚 則宜皆好而無惡悉成而無敗衆生無不遂之 無春彫之悲矣然天不能使孔孟有度世之祚 頛 非

言信而有徵道家所說誕而難用抱朴子曰仲尼儒者 窮凶而白首莊蹻極惡而黃髮天之無為於此明矣或 者咸知高上世之敦朴而薄季俗之澆散何獨重仲尼 者大淳之流也三皇以往道治也帝王以来儒教也該 馬 道意遠而難識故達之者寡馬道者萬殊之源也 儒 曰仲尼稱自古皆有死老氏言神仙之可學夫聖人之 之聖也老子得道之聖也儒教近而易見故宗之者衆 不實實公庸夫年幾二百伯牛有疾子夏丧明盜跖 こ十方方面

者 欽 者 輕老氏乎是玩華藻於木末而不識所生之有本也 定四庫全書 道之餘也經世者儒之末也所以貴儒者以其移 異乎貴明珠而賤 珠 俗不唯揖 匪獨養生之一事也若儒道果有先後則仲尼未 之所自出荆山者和壁之所由生也且夫養性 知魚鳥而不識龍喻老氏於龍盖其心服之 而老氏未可孤用仲足既敬問 譲與盤旋也所以尊道者以其不言 淵 潭爱和壁 而惡荆山不 伯 陽願 比老 扣 淵 彭

虚本源大宗出乎無形之外入乎至道之内其所語受 非空言也與顏回所言瞻之在前忽然在後鑚之彌堅 静玄點自守無為者也故老子戒之曰良賈深藏若虚 有不易之性也仲尼知老氏玄妙贵異而不能挹酌清 於民間之事而已安能請求仙法耶付其用心汲汲 也抱朴子曰以此觀之益明所禀有自然之命所尚 之彌高無以異也或曰仲尼親見老氏而不從學道 於教化不存乎方術也仲尼雖聖於世事而非能

大このこと書

花朴子内高

益於子之自此足以知仲尼不免於俗情非學仙之人 君子威德若愚去子之驕氣與多怨態色與淫志是無 守已誇來不威譽至不喜親貴不欲居贱不耻此道家 中之難也道者難中之易也夫棄交将委妻子謝祭名 也夫恓恓惶惶移在匡時仰悲鳳鳴俯歎匏瓜沽之恐 售慷慨思執鞭亦何肯拾經世之功業而修養生之 潤哉或曰儒道之業熟為難易抱朴子答曰儒者易 利禄割架爛於其目抑鏗舒於其耳恬愉静退獨善

象俯運思於風雲一事不知則所為不通片言不正 語 觧 煩 難也出無慶弔之望入無瞻視之責不勢神於七經 者之易也鉤深致遠錯綜典墳該河洛之籍籍博 運思於律應意不為推步之苦心不為藝文之役 之云云德行積於衛巷志貞盡於事君仰 随時 難中之易矣夫儒者所修旨憲章成法出處有則 捐 和氣自益無為無慮不怵不惕此道家之易 師 則循比屋而可求書則因解注以釋疑此 扎补 子内篇 馳 神於

儒 月 名之髙人洽聞之碩 思不能出萬夫而據談長生之道未之敢信也 未有言毒之可延仙之可得者也先生明 比肩皆是也與吾得意者則未見其人也若同志之 必存乎将来則吾亦未謂之為希矣或曰余閱見 約易吾已患其難矣將舍而從其易馬世之讓吾者 家之難也所謂易中之難矣篤論二者儒業多難道 貶不分舉趾為世人之所則動唇為天下之所傳 定匹广全書 儒果以窮理盡性研聚有無者多 不能 並 Ð

其 衆 篇 與 仙 籍 定四季全書 曰吾庸夫近才見淺開寡豈敢自許以 必無矣自来如此其堅固也吾每見 世人乎 驗 所 信 肋 物之情無不 疑 天下之有仙者率有經俗之才當塗之伎涉 則] 教之書以料人理之近易 及我獨能 頏 知 其 曾以顧 大 劾 盡矣幽翳冥昧無不 斷之機萌之未朕 而 覩 ,求諸 其已然則明其未 花科手内高 平隱 以易而得之乎難 辨 我能 凡 俗 得 猥 拔群 2 先覺之是我 試耳且夫 矣 儒)脏感則 砾 獨 謂 碌 無 拒 仙

累 猛 汲 風 狭 信 不 肯規為 烈火之聲 其事者皆病 見言是而 不信我之耳馬視形者莫不信我之目馬 何 人或告之而終不 之深不覺所 而 姑塞其聰 在乎極暗 舠 非然則我之耳目果不足信也况乎 於 謂天之冬雷見遊雲西行而 頏 用 明 而了 2 之 有 悟信此信已之多者也夫聽 所 短而云井之無水也 聰 不 不及是 明 而偏 别我麥者也夫以管窥 枯 何 拘禁以小點 異以一尋之 謂 俗 而 有 或 A 靡 綆 自 者 剛

所度無形無棒其難察尤甚於視聽而以已心之所 之事之妙者而欲 曰 必因世間至速之事謂 素 為 妍虽有定矣而憎爱異情故雨 超含外件故 如此其易也而彼此終不可得而一馬又况 矣而 清者有矣以失為得者有矣此三者乖殊昭 好 惡 兩心不 不同 令人皆信之未有可得之理也 故兩耳不 包川于内高 神 相為謀 仙為虚言不亦 馬 相 目不 以醌為美者有 為聽馬真偽有 相 為 散哉抱 視馬 斪

古 者 人悉使之知又何贵乎達者哉若待俗人之息妄言則 命之曰蛇非龍之不神也頂茶墨而後雜馬所以實 行章甫不告於蠻越赤寫不用於戎夷何可强哉夫見 定匹庫全書 理之未易明神仙之不見信其来尚矣故馬之野 可引致耳其不移者古人已末如之何矣抱朴子 河之清未為火也吾所以不能點者冀夫可上可 指曰石非玉之不真也待和氏而後識馬見龍而 不能釋欲地之我秋實理有所不通善言有所

虚長此紛紜而無救於不解果當從連環之義乎 道不烦所為鮮耳但患志之不立信之不篤何憂於 文之業憂樂之務君臣之道胡可替乎抱朴子答曰夫 或問曰人道多端求仙至難非有廢也則事不兼濟義 獨以實有而與之諍諍之彌久而彼執之彌固是 釋滞第八 抱外子内角

者以其加之不可益而損之不可減也所以贵德者

其開毀而不像見譽而不悦也彼誠以天下之必無

人間專修道德者亦其次也昔黃帝荷四海之任不 則凌霄而輕舉者上士也自恃才力不能並成則棄 訓 馬丹官於晋范公霸越而泛海琴高執笏於宋原常 史窩封為陶正方回為閣士日望為太師仇生仕 則和光於世治身而身長修治國而國太平以六 之廢乎長才者魚而修之何難之有內質養生之道 湖之举彭祖為大夫八百年然後西適流沙伯 俗士以方衔授知音欲少留則且止而佐時欲昇

世之謂一言之善重於千金然盖亦軍國之得失行已 生 降志於執鞭莊公藏器於小史古人多得道而匡世 R 200 1 1 1 1 10 待終不管的生不惮速死解千金之時忍卿相之貴者 之事然後乃成乎亦有心安静默性惡諠譁以縱逸為 役身於世矣各從其志不可一縣而言也抱朴子曰 所修為猶常如此况又加之以至神之道其亦必不 以榮任為戚者帶索藍縷如草操耜玩其三樂守常 之於朝隱蓋有餘力故也何必修於山林畫廢生民 托朴子内篇

多也然此三事復有淺深不值明師不經勤苦亦不 其至要至要者在於寶精行然服一大藥便足亦不 戚否耳至於告人以長生之訣授之以不死之方 為妄誕之言可數者也抱朴子曰欲求神仙唯當 垂死而有能救之得愈者莫不謂之為弘思重施矣 若被常人之善言也則奚徒千金而己乎設使有因 活一人之功也黄老之德固無量矣而莫之克識 仙經飛 九丹永金玉則天下皆可令不死其惠 用

倉卒而盡知也雖云行杰而行杰有數法馬雖曰房 有 飲定四庫全書 矣初學行悉鼻中引悉而閉之陰以心數至一百 告其深者耳故行杰或可以治百病或可以入瘟 房中之街近有百餘事馬雖言服藥而服藥之方 水上或可以辟饒渴或可以延年命 可以禁蛇虎或可以止瘡血或可以居水中或可 千條馬初 胎息者能不以鼻口嘘吸 以授人皆從浅始有志不怠勤勞可知 如在 胞胎之中則 其大要者胎 疫

者更少日還一日矣夫行杰當以生杰之時勿以死杰 之逆流數步噓火火為之減嘘虎狼虎狼伏而不得 之群常令入多出少以鴻毛著鼻口之上吐炁而鴻 時也故曰仙人服六然此之謂也一日一夜有十 為死然死然之時行然無益也盖用然者嘘水水 乃以口微吐之及引之皆不欲令已耳聞其有出 動為候也所自轉增其心髮久可以至千至千則 其從半夜以至日中六時為生然午後以至夜半

愈矣又中惡急疾但吞三九之杰亦登時差也但人性 血 每大醉及夏天盛熟報入深淵之底一 男嘘我左女嘘我右而彼人雖在百里之外即時皆 得溢或令人發咳故勘有能為之者也余從祖 鮮之物令人然 少能安静以修其道耳又行然大要不欲多食生 止聞有為毒蟲所中雖不見其人選為噓祝我之 强 難閉又當禁悉怒多悉怒則 花打于内荷 EJ 許乃出 仙

嘘蛇虺蛇虺蟠而不能去若他人為兵刃所傷

病 自傷然者也玄素于都容成公彭祖之屬盖載其廳 不 在於 或以攻治界病或以採陰益陽或以增年延壽其 可都 定匹片全書 | 地 不壽也任情肆意又損 雖 逻精 絶 閉然胎息故耳房中之法十餘家或以補 損若不得口 隂 服名藥而復不 陽不交則坐致壅遏之病故 補 腦之一事耳此 缺之桁萬無一人為之而不 知此要亦不得長生也人 年命唯有得其節宣之 法乃真人口口 幽閉怨曠 相 枚 24 復 傷

朴子曰道書之出於黃老者盖少許耳率多後世之 接 事者各以所知見滋長遂令篇卷至於山積古人質 之余承師鄭君之言故記以示将来之信道者非臆 談也余實復未盡 多無才其所論物理既不周悉其所 不以至要者著於紙上者也志求不死者宜勤行求 之析以規神仙 秘所要而難解 あ 解之又不深遠不足以演暢 其缺矣一逢之道士或欲專守交 不 作金丹之大藥此愚之甚矣 證據又不著 徴 言 抱 斷

ALI DI CALLA LIA

花朴子内篇

世之務退無長生之勃則莫不指點之曰彼修道如 源 者而後留意至於不要之道書不足尋繹也末學 消棄日月空有疲困之勞了無繼錄之益也進失 流也徒誦之萬遍殊無可得也雖欲傳涉宜詳擇 箱盈筐盡心思索其中是探煎第而求風那 别作者之浅深其於名為道家之言軟便取 捕 悱 鱔魚錐加至勤非其所有也不得必可施用 勘進有志教戒始學令知玄妙之塗徑 禍 集 捜 當 井 者

之勤而不得度世是天下果無不死之法而不知彼 屬 勞耳又况 其事有可按摅者也但暗 文 錐出老子然皆汎論較略耳其中了不肯首尾全 文華 神仙已千億里矣豈足躭玩哉其寓言譬喻猶 齊死生謂 無異以存活為徭役以祖沒 緍 臨河美魚而 雖祖述黃老憲章玄虚但演其大肯永無至 言 不及者乎至於文子莊子関令尹喜之徒 無網罟非水中之無魚也又五 誦 此經而不得要道直為 為一 休息 有

Marchine W

把扑手内篇

通世者莊 是實而學仙之士不肯進官皆修道誰復佐事我抱 弊子得以老莊為窟髮不亦惜哉或曰聖明御世唯 以供給碎用充御卒乏至使末世利口之奸佞無 廣成不與馬唐竟之有四海可謂太平也而偓佺 務光員石以投河姬武剪商而夷齊不食於西山齊 馬而德化不以之損也才子不以之之也天乙革 子曰背聖主而山 伯 所以為貴也軒轅之有天下可謂至理 栖者巢許所以稱高也遭有道 一而

霍當嘉饍匪躬耕不以充饑匪妻織不以蔽身干載 飲定四庫全書 T 極富不能移其志濯纓滄浪不降不辱以芳林為墨 桓之與而少稷高枕於陋巷魏文之隆而干木散髮於 時或有之况又加之以委六親於邦 背荣華如棄跡絕可欲於胃心凌萬峻以獨往侣 岫為大厦翠蘭為茵褥緑葉為常幞被褐代菜衣微 於林藪而無損孝文之刑曆也夫寵貴不能動其心 門四老鳳散於商洛而不妨大漢之事功也周黨麟 九十子 內寫 族捐室家而

内 響於名山内視於無形之域反聽乎至寂之中八極之 慢 學仙之士獨潔身而忘大倫之亂背世主而有不臣 **釐之损者乎方今九有同宅而幽荒来仕元凱委積** 國之才立朝之用得之不加塵露之益棄之不覺毫 余恐長生無成功而罪署將見及也抱朴子答曰夫 降不為之虧大化不為之缺也况學仙之人未必有 將遠幾人而吾子乃恐君之無臣不亦多憂乎或曰 石户善卷子州皆大才也而沉遁放逸養其浩然

者異匹夫之志有不可移故也夫有道之主含垢善 上無嫌恨之福心下有稱意之至歌故能暉聲並揚 不罪之以不忠何者彼誠亮其非輕世薄主直以所 不責之以不孝尹生委樣带之職達式過之任而有周 之數才高者有循資之屈濟濟之盛莫此之美一介之 非所乏也昔子晋拾視膳之役棄储貳之重而靈 人心之不可同處世之各有志不過不禁以崇光 抱打子内病

所用之士有待次之滞官無暫曠之職勤久者有遅

一土不足以减其峻挹勺水不足以削其廣一世不過 之滉養其高不俟翔埃之来其深不仰行潦之注撮 夷則奇士退今丧亂既平休牛放馬烽燧滅影干戈載 甲胄而修魚釣况乎學仙之士萬未有一國家各此以 說之配無傷俗之員亦何罪乎且華霍之極大倉 為哉然其事在於少思寡欲其業在於全身久壽非 繁弱既酯盧鵲將京子房出玄惟而反問卷信布 極貧夫聞風而忸怩也吾聞景風起則表鑑息世道

者五經何以不載周孔 限矣周孔所不言者不少矣特為吾子略說其萬 則是無仙道也抱朴子答曰人生星宿各有所 仙人何能有損人物之鞅掌乎或曰果其仙道可求 於前篇矣子可謂戴盆以仰望不睹七曜之炳 以不長存若周孔不 不知重淵之奇怪也夫五經所 何以不言聖人何以不度 知則不可為聖若知

STOLE FOR

雖大笑不可止局情難卒開且令子聞其較略馬

犯补于内属

寓喜怒之情雲動氣起含吉凶之侯桡槍尤矢旬始 縮 椎 仰上為潤下之性濟潮往来有大小之變五音六 短 日月遅疾九道所剩昏明修短七星选正五緯 去凡幾萬里上何 不動鎮星猶東義和外景而熱望舒內鉴而寒天 珥薄蝕四七凌犯彗字所出氣失之異景老之 加也今問善易者周天之度數四海之廣狭宇 物之大者也九聖共成易經足以彌 所極下何所提及其轉 綸陰陽 動 誰 屬 宙 盈

郄 萌 能論此也以次問春秋四部詩書三禮之家皆復無 四鎮五殘天狗歸邪或以示成或以示敗明易之生 之教乎彼将曰非也余又將問曰甘石之徒為是聖 以為虚妄乎天下至大舉目所見猶不能了况於 五經之上則無之索之於周孔之書則不得今寧 上曜 矣皆曰悉正經所不載唯有巫咸甘公石申海中 彼亦曰非也然則人生而戴天詣老履地而求之 記之悉矣余將問之曰此六家之書是為 记小于内写

股 之又玄妙之極妙者乎復問俗人曰夫乗雲曹產之國 弓不灰之木不熱之火昌蜀之禽無目之獸 移三軍之衆一朝盡化君子為鶴小人成沙女何 黄池無男穿自旁口厚君起石而浮土船沙丘觸 生厚龍女妈地出壯宇天墮髮飛大言及一山徒 枯貳負抱在寄居之蘇委甲步內二首之蛇弦之為 心不朽之民巢居穴處獨目三首馬問狗蹄修臂交 |精衛填海玄謀选生火浣之布切玉之刀 身 E] 頭

而 複 蟲飛 中凡此帝事盖以千計 吐烈磨泥漉水枯灌 以桑鱉強林邑以神 面少千之劾 云無是事乎至於南人能入柱以出耳樂冠停 金簡玉字發於禹井之側正機平衡割乎文 縱目世變於荆 弦 伯尾 躡 伯率聖柳之役肅霜西苑以唐景 億 仍而企 化形山變前跟石修九首畢 岫 绿王庸蜀以流尸帝監 五丁引 五經所不載周孔所不 踵吕 対ルスト 梁能行歌以憑淵宋 倾峻内甚振 神 說 翅 石

文

定四車全書

把朴子内高

有 関 無 肵 於 百 累千郢人奮斧於鼻堊 步賁獲劾膂力於萬鈞越人揣鉞以蘇死豎友超 刻象葉以亂真公輸飛木與之翩翻離未觀毫芒 於 足以為攻難之主哉聖人或不可同去留 能 何 不得仙不得 為 怪 不私有生而不管存亡任天長短委命故不 也復可以為無有乎若聖人誠有所不能 仙亦無妨於為聖人聖人偶所 仲都祖身於寒天此皆周 任 自 則

方 寫真之內獨稀特猪疾走不能述其朕兆乎宇宙之外 虚而不足馬為聲之聲為響之響為形之形為影之影以言乎通則周流秋毫而有餘馬以言乎遠則彌綸太 為 離 A NO DE DE LA PARTICIONA 者得之而静固者得之而動降者得之而俯异者得 朱不能察其髣髴吳礼晋野谒聽不能尋其音聲乎 有馬論其有則萬物循為無馬隸首不能計其多 朴子曰道者涵乾括坤其本無名論其無則影響 道意第九 补手

識 不 於外道存乎此無供於彼也患乎凡夫不能守真 其太初之本而修其流溢之末人能淡點恬愉 移養其心以無欲順其神以粹素掃 使其性號至於無垠去道遼遠不亦遠哉俗人不 安田上 三三 難求之思追害真之累薄喜怒之邪滅爱惡之 福 张名為道已失其真况乃復千割百判億分萬 括有嗜好之摇筴馳騁流遁有迷無反情 而福 来不 複禍而禍去矣何者命在其中不 滌誘慕收之 不 染

全 有 見 得 閗 失節而委禍 起膏肓而祭 20事公書 傾 用煎熬形氣 至死 外起智接事而旁溢 越之災有不 而純一遷矣心受制 謳 歌 不悟不亦哀哉若乃精室用於煩擾榮 踴 祷以求在當風 於 躍 振 思胜最 刻 拜 伏 之禍 削 犃 天和勞逸過度而碎首以請 牝朴于 誘 爾之體自胎兹患天地 類守静虚坐求乞福 而徒烹军肥 於奢玩神濁 内島 於可欲而天理減矣惑 剧 濕而 謝罪 腯 乳於波湯 沃 於靈祗 **酧** 願典 醴 其 撞

遼 曲 族 富 禍 不 之略大牢之饌求令名 思 姓 非 不 可 沂 動 禋 7六轡之為 享 一祀所 以必長生而貴人可以無疾 馬其京牲屋摩何所補馬夫福 滛 感 倫 降亦己明 異矣貴亦 祀皂隷 模也若命可以重禱延疾可以豐祀 同 為人類 之卷不能 矣 極 大大不忠 於明主釋怨責於邦家以 **美盖非臭鼠** 而 尊甲而紀况 紆金根之軒 不 病也夫神 孝罪 非足恭所 之 之 酒肴庸民 於 大惡積 布 衣 不 之 除 歆 列 .非

忍 不 絕 可以 詬之臣猶能賞善不須貸財罰惡不 墨 免五作之姐 異倫正直是與與其曲佑未之有也夫慙他之主 飾 不偏不黨豈况思神過此之遠 不可得况年毒難複於令名寫疾難除 路求 救叛逆之誅也孝文尤信思神咸 却吳 斷可識矣楚之靈王躬自為巫靡爱 師之討也漢之廣陵故奉李 孫主贵侍華鹤封以王爵而 不可以巧言 任 私情必 頒 無 傾 於 文 將 愆 鸿 動 府

挖补手内稿

廬 民安魏武禁治祀之俗而洪慶来假前事不妄将来之 命盡之期非犧牲之不博碩非玉帛之不豊醮信之非 近而管之於遠乎第五公誅除妖道而既壽且貴宋 江罷絕山祭而福 也明德惟馨無爱者壽音賓不天多惨用老自然之 敖敬之非不重有丘山之損無毫歷之益 直非失 物何為若養之失和伐之不解百痾緣隱而結 而不悟大年三姓号能濟馬俗所謂率皆妖偽轉 禄永終文新破水靈之廟而身

盡 費不管富室竭 法 M D . I L A A In W 於醜惡之刑皆此之由也或什物盡於祭祀之費 不務藥石之故惟專祝祭之診祈禱無己問 誑惑久而彌甚既不能修療病之術又不能返其 便謂鬼不見赦幸而誤 死或起為却剽或穿衛斯濫丧身於鋒鋪之端 櫃倒裝而無餘或偶有自差便謂受神之賜 小人妄說 其財儲貧人假舉倍息田宅割裂以 福崇疾病危急唯所不聞 龙孙于内高 活財産窮產遂復餓寒凍 聞軟修為 ト不

李申之徒或稱千歲假托小街坐在立亡變形易貌 眩 黎底糾合羣思進不以延年益壽為務退不以消災 教帛淪於貪濁之師巫既沒之日無復凶器之直衣食 熊之源塞盗賊之前非小恵也最者有張角柳根王 無故肆之市路不過少時必當絕息所以令百姓杜凍 之周使尸朽蟲流良可悼也愚民之能乃至於此哉淫 法制犯無輕重致之大辟購募正祝不肯止者刑 妖邪禮律所禁然而凡夫終不可悟唯宜王者更峻

職之要務殿最之急事而復是其愚妻碩子之所篤信 由官不斜治以臻斯思原其所由可為數息吾徒匹夫 思禁之或 致褐崇假令頗有其懷而見之不了又非 至残滅良人或欺誘百姓以規財利錢帛山積富踰王 見此理不在其位末如之何臨民官長疑其有神意 其致用威傾邦君勢凌有司亡命通逃因為窟藝皆 病為業遂以招集好黨稱合逆亂不久自伏其章或 縱肆奢溫侈服玉食妓妾盈室管紋成列剌客死士 こトチ内病

刺之思益知思神之無能為也又諸妖道百餘種皆然 口 左右小人並云不可阻之者衆本無至心而諫怖者異 ,放之具属值疫病常得藥物之力頻冒矢石幸無傷 巍巍子孫蕃昌且富且貴也唯余亦無事於斯唯四 同聲於是疑惑竟於其敢令人扼腕發情者也余 所識者數人了不奉神明一生不析祭身享遐年名 定匹尼全三! 而往返經遊一無所過而車馬無傾覆之變涉水 先人而已曾所遊歷水陸萬里道側房廟固以

或數十人厨费亦多矣復未純為清省也亦皆宜在禁 中有李阿者穴居不食傅世見之號為八百歲公人往 絕之列或問李氏之道起於何時余答曰異太帝時蜀 食無有限剂市買所具務於堂春精鮮之物不得不買 生血食獨有李家道無為為小差然雖不屠宰每供福 問事阿無所言但占問顏色若顏色欣然則事皆吉 有深爱如此之候未曾一失也後一旦忽去不 容惨成則事皆函若阿含笑者則有大慶若微

抱外于内高

i

得百日以還亦不堪久此是其析至淺可知也余親 民依宽為弟子者恒近千人而昇堂入室高業先 見賓客但拜其外門而退其怪異如此於是避役 不過得祝水及三部符其引日月行然而已了無 非也自公卿已下莫不雲集其門後轉騎貴不復 於是遠近翕然謂寬為李阿因共呼之為李八百 在後有一人姓李名寬到吳而蜀語能祝水治病 服食神樂延年駐命不死之法也石氣斷較

戒遂死於廬中而事竟者猶復謂之化形尸解之仙非 齒墮髮白新又昏耗或忘其子孫與凡人無異也然民 多有及見寛者皆云寛哀老羸悴起止咳噫目瞑耳聲 過半氪所奉道室名之為廬寬亦得瘟病託言入廬齊 然可知矣又何超乎若謂於仙法應尸解者何不且止 為真死也夫神仙之法所以與俗人不同者正以不 謂宽故作無異以欺人豈其然乎異曽有大疫死者 死為實耳令寬老則老矣死則死矣此其不得道

たトラ内る

筧 其上有鮑魚者乃以一頭置胃中而去本主来於胃 定四庫全書一 者實為無限将復略說故事以示後人之不解者昔 但非其人耳余所以委曲論之宽弟子轉相教受布 江表動有千許不覺寬法之薄不足遵承而守之異 一二百歲住年不死然後去乎天下非無仙道也 魚怪之以為神不敢持歸於是村里聞之因共為 有人於田中設絕胃以捕屬而去猶念取之不事 世故欲令人覺此而悟其滞迷耳天下有似是而

欽

面、 眅 乃 屋立廟號為紀君後轉多奉之者丹楹藻稅鐘 主乃曰此是我鮑魚耳何神之有於是乃息又南 病或有偶愈者則 有 肋 年鮑魚主復行過廟下問其故人具為之說其 取之未得即去以濕土封其根以置空桑中遂忘 目力 病 後作遠職不在後其里中人見桑中忽生李 者 目痛者陰息此桑下因 耕白田有一李裁應在耕次肋惜之欲持 謂 有神 行道經過莫不致祀 祝之言李君能令我 馬 絶 頡

ALD ALL ALL AND IN

托朴于

内篇

言 愈 基近大道墓口 内 者 所置李裁耳 樹 之或人云此石上有神 天热過陰 滂沱 謝い一 能令首者得見遠近翕然同来 便去而忘取之行路人見石人頭 女口 彭 此 礼 其目偶愈便殺礼祭之傳者過差便 八人基口 有一石人田家老母到市買數片 鵔 何有神乎乃斫去便止也又汝南 年張助罷職来還見之乃曰此 樹下以所買之餅暫著石人 能治病愈者以餅来謝 請 福常車馬 上有餅

亦 病 餅 者 肋 還 便於墓所立 多水基中多石灰 いく 热見此墓中水 聞之乃為人說始無 用牛羊為立惟 聞之悉往 自摩 相 語云頭 無不愈者遂千里来就石人治病 廟 自 含而賣此水而 洗轉有飲之以治 痛者摩石人頭 帳管 清 石 灰汁主治瘡夏月 好因自洗浴瘡 化小子内隔 復往者又洛西 絃 不 絶 往買者又常祭 如 腹内疾 此 腹痛者摩石人 偶 數年忽日前 便愈於是 有古人墓 行人有 者 近墓 廟 但 病 雞 穿 瘡 居

下立愈又令辯士進行為之虚聲云能令首者 馬馬乃令此人出外住 買之於是賣水者大富人或言無神官中禁止 定四庫全書 之乃絕又與古太守馬氏在官有親故人投之 水以益之其遠道人不能 不絕而来買者轉多此水盡於是賣水者常夜 求治病者雖不便愈當告人言愈也如此則 於是四方雲集 詐 超之如市而钱帛固己積 云是神人道士治 往者皆因行使或持器 病 登 無 不 求 视 寫 恤

者也旬日之間乃致巨富馬凡人多以小點而大思 壽考者何也抱朴于曰諸如此者或有陰德善行以 未覺者之戒馬或問曰世有了無知道術方伎而平 於是後人問前来者前來軟告之云已愈無敢言未愈 若告人未愈者則後終不愈也道法正爾不可不信 年長生之法皆為虚誕而喜信妖邪鬼怪令人鼓 祀所謂神者皆馬氏証人之類也聊記其數事以 祐或受命本長故令難老遲死或亦幸而 偶 阚 不逢 剛

花朴于内篇

神 燼 草 傷 也若幸無攻戰 終其天年 耳祭禱之事無益也當恃我之不 譬 木也要於防身却害當 不 侵我也然思 衝 不 能延壽命消 田 却 猟 者也 觧 之矣 時不 經而有遺禽脫獸大火既過時 玄執一含景環身可以 9k 夫儲甲胃蓄氣笠者盖以 體疾 流陰則 不 可以值暴鬼之 修 سط 守形之 任 有與無正同耳若夫 自然無方 可候 防禁 横 街 也 辟 佩 枉 為 無 天文 大 者 鄁 恃 餘 兵 未 惡 疫 度 不 之 為 必

大氣以誤晚學之後人謂方街之無益也 而少恩傷破仁義唯道家之教使人精神專一動合無 末也夫以為陰陽之析衆於是諱使人拘畏而儒 則覺路立者之劇矣不可以薛麥之細碎疑陰陽之 而寡要勞而少功墨者儉而難遵不可偏修法者嚴 合飛鋒烟交則知裸體者之因矣洪雨河傾素雪 儒道之先後抱朴子答曰道者儒之本也儒者道 明本第十

地外手内箱

洽 習難以折中夫所謂道豈唯養生之事而已乎易曰立 易明事少而功多務在全大宗之朴守真正之源者 定四八全三 固之所論未可遽是也固誠純偶不完道意節其 開旁綜幽隱沙汰事物之戚否覈實古人之邪正其 包儒墨之善總名法之要與時邊移應物變化指約 不隱惡不雷同以偶俗劉向命世通儒謂為實録 論也實源本於自然其褒貶也皆準酌乎至理不 班固以史逐先黄老而後六經謂逐為謬夫遷

變涉微達興亡之運明治亂之體心無所惑問無不 末耳今世之舉有道者盖博通乎今古能仰觀俯察歷 自二俵下逮萬粉莫不由之但黄老執其本儒墨治 典美又曰易有聖人之道四馬尚非其人道不虚行又 天之道曰陰與陽立地之道曰柔與剛立人之道曰仁 何必修長生之法慕松喬之式者我而管窺諸生臆 論道謂之三公園之有道貧贱者耻馬凡言道者上 1 51 A 40 W 世隆平則謂之有道危國亂主則謂之無道又坐 抱朴于内篇

者 收 曰 瞽記聞有居山林之間宗伯 彼 定匹月全三 1 来久矣是以史遷雖長 不見天光之熀 梨 小道耳不足算也嗟乎所 由道道也者所以陶冶百氏範鑄二儀胞胎萬 汗重江河之 不覺秀之者豊壤也今尚知推崇儒 倫者也世間淺近者眾而 深 燗 而 侣 不 鮋 鰕 知吐之者崑崙也珍黍 而不見譽班 於 跡 謂 陽之業者則段而笑 深 水之中者不 抱蠻燭於環堵之 遠者少少不勝 固 析 骓 而不 短 謙 而 樛 四 不 大口 類

黎霍彌原而芝英不世积辣被野而尋木間秀沙礫 龍希靓班生多黨固其宜也夫道者內以治身外以為 國 腐不流禍亂不作輕壘不設干沒不用不嵌而當不 為暴物之災玉燭表界平之徴澄醴彰德洽之符焚 能令七政遵度二氣告和四時不失寒燠之節風雨 而珠璧甚斟雁隼屯飛而鸞鳳罕出虺蝎盈簸而 虹霓寝其袄颓雲商羊散其異景耀高照嘉禾畢幸 把补子内漏

然物以少者為貴多者為賤至於人事豈獨不然故

定四月全丁二 號 興也 不 未 坑降萬計析 地或山谷易體或冬雷夏雪或流血漂榜 奸繁教底怨於下皇重怒於上或洪波 不足馬夫唯有 八禁而 發而風移令未施 不結而固不謀而成不賞而勸不罰而肅 則三五垂 止處上而人不以為重居前而人不 骸易子城愈高而街愈巧池愈深 餘 拱 故 而 無為而化美夫唯不足 有 币 俗易此盖道之治 餘馬道之東也則叔代 横流或亢 世 精 故 ملا 不 刑

家疾疫起而巫醫贵矣道德衰而儒墨重矣由此 刺 儒道之先後可得定矣或問曰昔赤松子王喬琴高老 定四軍全書 丁 来為道之士莫不飄然絕跡幽隱何也抱 愈妙法令明而盗賊多盟約髮而叛亂甚猶風沒 推刃者有矣然後忠義制名於危國孝子收譽 魚鱉擾於淵纖羅客而羽禽噪於澤豺狼東而走 於林慶火猛而小鮮糜於閂也君臣易位者有矣 祖務成鬱華旨真人悉任於世不便退過而中 把扑子内筒

浔 割 為 雕 摩是以上士 耻居其中也昔之達人杜 渐防微色 古純朴 逝夜不侍旦覩幾而作不 也是以真人徐徐於民間不促促於登遐耳末俗 ឫ 偽 嘿然而已誇毀之言不吐乎口中 醴酒 彌 謂真正為妖記以神仙為誕安或曰感東或 深玄淡之 巧偽未萌其明信道者則勤而學之其不 不設而榜生星行彼衆我寡華元去之况 化廢而邪俗之黨繁既不信道 供終 日故趙害鳴 傷之心不存 精而仲 偷 乎 好 斯 曰

道者安得不超然振翅乎風雲之表而翻爾藏軌於 不下凡卉春剪而芝莫不秀世俗醌正慢辱将臻 之際乎山林之中非有道也而為道者必入山林 石之飛精者尤忌) 彼腥膻 龍不游集何即拾則鳳凰不集 哲業尚本異有何戀之當住其間哉夫淵竭 者既不喜誼 而 即 此清净也夫入九室以精思存真 利口之恩人凡俗 华而合于横而 七十子内篇 合金丹之大藥 居言于室而 聞見明霊為

三軍 止於三軍都市之中而得也然則黄老可以至今不去 市下士得道於山林此皆為仙樂已成未欲昇天雖 及於此故止山林耳不謂人之在上品者初學道當 冲 幽隠一切免於如此之臭鼠矣彼之邀爾獨往得 之有司 不降仙藥為之不成非小禁也止於人中或有淺見 不有以乎或云上士得道於三軍中士得道於 鋒刃不能傷雖在 加之罪 福或有親舊之往来牵之以慶形 都市而人禍 不能 加而下士 意 都

定四人全··

贵 道家之葉也儒者祭祀以祈福而道者履正以禳邪 異惡 何事乎抱朴子曰夫升降俯仰之教盤旋三千 也或問曰道之為源本儒之為末流既聞命矣令之 攻守追趣之衔輕身重義之節散憂禮樂之事經 所愛者勢利也道家所實者無欲也儒者及汲於 杜遏勸沮不恤乎窮不崇乎達不成乎毀不悅乎譽 俗之略儒者之所務也外物棄智滌蕩機變忘富遺

抱补子

,内篇

而道家抱

一以獨善儒者所講者相研之簿領也

之理其較如此首尾汙隆未之變也或曰儒者周孔 慎 所習者遣情之教戒也夫道者其為也善自修以成 也其用速而業貴其事大而解美有國有家不易之 其居也善取人所不争其治也善絕禍於未起其 也為道之士不管禮教不顧大偷仍於於草澤 而無問此所以為百家之君長仁義之祖宗也小 則六經也盖治世存正之所由也立自舉動之準 物而不德其動也善觀民以用心其静也善

人之 攻蒙牧慈畴昔之所餍 之迷忘葵之甘也抱 得失於機吻矣然觀孺子之墜并 匠 又久視則未可謂之為减於周孔也故仲尼有寫 又昇仙則未可謂之後於老舜也老子既兼 猿猱於林麓之間塊然 流過與木石為鄰此亦 觸 物寶德以長生者黄老是也黄帝既治世致 柱非魚愛之心又聊 朴子答曰擒華騁艶質直所 把扑子内篇 誠不欲復與子較物理之善 陳梗緊 粗 非仁者之意 抗一隅

告 馬 灾四月八月 三月 之過隙也涉 頑令器崇飾惡言誣話道家說 亦已甚矣夫休 峻非其所堪抵足速围 測 翅以凌陽侯之波猶蒼蝇之力為質以涉的 歎 毀道家何異子 滄海每見凡俗守株之儒管管所習不傳達 未開有疵毀之解而末世庸民不得其門修 精 儒 神 之淵則淪 之手不足以 孫而罵詈祖考哉是不 表二 然而嘍嘍守於局 淌 币 糟 傾萬華焦侥之脛 自失也猶 粕之浑則若覩 識其所 . 斤 鷂 自 不 作 理

抬 始 麗 者蒙蒙亦如子耳 蔽乎盖登 天 歸遠 的 £ 札 13 明 經之事注說 神 知 不 鷦 其人雖裂地連城金壁滿堂不安以示 雖得其書而不 仙之經至要之言又多不書登壇軟 徹 金之可 璇 離 瓅 舸 之眇 欲 既 炳露 陋 企 吾 抱 強 踵以包三光鼓腹以倉電雪 典 非 則 師 初學之徒 受 生 秘 知 楢 而 之 井谷之至早都 3L 150 扣 楢 修 之义 不見首 有 而 非 恨 不 解 俯 離 Ŋ 4大 血 豈 囯 而 乃 沢 2 信 明 大口 金

文

把补子

内篇

豈 羌 荆 而 玄 吾子所詳悉哉夫得仙者或昇太清或翔紫霄或造 霄 倒 爽 猿 雖 仙樂第十一 楼 而多 秋乎所 景之表入宴常陽於瑶房之中昌為當 鴻崖六虚唯意所造 被 藻 板 技或 作 福 繍 論其為樂孰與逸麟之離羣以獨 謂不知而作也夫道也者逍遥 桐 聽 釣天之樂享九芝之饌出 魁然 流檳 未為戚也樣 虹 侣 霓 携 徃 狐 吉 鯏 貉 腯

餌 服 息者也仙藥之上者丹 丹砂 遊 朴子曰神農四經曰上藥令人身安命延昇為天 至言方析之實録 之皆令人飛 上下使役萬靈體生毛羽 椒薑樂濕菖蒲益聰巨勝延年威喜辟 不 玉 扎 猛 曾 獸不 青雄黄雌 行長生又曰中藥 担 也明 惡氣不行衆妖 文 黄雲母大乙禹餘 砂次則黄金 炳 然而 行 養性下藥 厨立至又曰五芝 併 世 次 人終 辟又 則] 孝經 除病 糧各可 兵皆上聖 白 銀 不 次 援 信

盧·地 腦 黄 次 芝次則五玉次則雲母次則明珠次 及也或名仙人杖 名 則石硫黄次則石 氣 名 地骨或 糧 次 香者善其生水側下地者葉 颟 林或名 則 名 石中黄子次則石 勝 枸 滛 或 重樓 杷 粘次則曾青次則 羊食或名管松 也天門冬或名地門冬或名云西王母杖或名天精或名 黄連 石常楮實象共一名 純 桂 江次則石英次 其生 頁.] 雄黄 松 藴 柜 胎 次

欽

定匹

庫全

中 苖 百 作 可蒸岩 長而味多苦氣臭者下亦可服食然喜令人下氣 又遲也服之百 白 服 部 食 芨也 然自有百 異也真百部 并及紋其汁作 不 煮啖之取足可 按本草藥之與他草同名者甚多唯精博 可誤也如黄精一名白 部草 出 Ð 皆丁 其 酒 なく パス 根 柭 快唯中以 服 壯 俱 散 有百 斷 倍 尤住楚人呼天門冬 榖 駛於术及黄 发而 及有力可 許 治 相 效 實 非中以 及辟益 如一 ,餌之亦 作 耳 糊

耳 有菌芝各有百許 珠服 分别之不可不詳也黄精一名鬼竹一名救 為米脯 黄精甘美易食运年可以與老小体糧人不 十斛乾之幾可得五六斗耳而 役 斷 力者不能 其花勝其實服其實勝其根但花難多得 較不及水水餌令人肥健可以負重涉險 也五芝者有石芝有木芝有草芝有肉芝 辦也服黃精 種也石芝者石象芝生於海隅名山 僅十年乃可大得其 服之日可三合非 窮一名 但

定四月十二十

赤 芝且先以 者如 佩老子入山靈寶五符亦不能得見此華也凡 望見其光矣大者十餘 物也附於大石喜在高 如紫金而皆光明 嶼之涯有積石者其狀如肉象有頭尾四足者良 珊 一相之 開 瑚白者如截 山都害符置其上則不 E 誤 熊祭以酒 涧 徹 肪 斤小 如 黑者如澤添青者如翠 埘 堅水也晦夜去之三 險峻之地或却著你 脯 者三四斤非久齊 祈而 得 復隠蔽化 取之從日 百 見

抱

外子内篇

方寸七日至盡一斤則得千歲十斤則萬歲亦可分人 服 萬年已上則凝而成之有似鳥獸之形色無常来 還有並帶連級之起三四寸有七孔者名七明九 石也生臨水之高山石崖之間状如監枕不 步閉氣而往也又若得石象之擒之三萬六千杆 似山玄水蒼玉也亦 也又玉胎芝生於有玉之山常居懸危之處玉膏 和之須史成水服一升得一千歲也七明九光 鮮明如水精得而末之以無 過 徑 芝 服

户中便有深谷不可得遇以石投谷中半日循聞其聲 光所居暗地如月可以夜視也石蜜芝生少室石户中 者名九光光皆如星百餘步内夜皆望見其光其光自 也去户外十餘丈有石柱柱上有偃盖石高度徑可 别可散不可合也常以秋分同之得之持服方寸七入 溢也户上刻石為科斗字曰得服石蜜芝一斗者毒! 許望見審芝從石户上隨入偃盖中良久較盖亦 則翕然身熱五味甘美盡一斤則得千歲令人身有

於定四庫全書 ■

七十子内為

摶 題 だ 當飲之不 多其在大石中則 зŁ 端 得之在大石中 之一斤得千歲也石中黄子所 樹 前 道士共思惟其處不可得往唯當以梳器著 而實石也高 以承取之然竟未有能為之者按此石户上 世必已有 飲 刺 堅挺成石不 其石常 赤 户 得之者也石桂芝生名山石穴 小黄溶溶 許大徑尺光明 潤 混 復 女口 中 不 雞 燥 在 服 子之在其殼中 有之沁 打 而 也法正當及未 味: 其 辛 石 有 水 有 山 鵔 中 刻 為 型力

合 者 滑 成三升 有 乃可得一、 時飲之既凝則應末服也破一石中多者有一升 石中 也石硫丹者石之赤精盖石硫黄之類也皆浸溢 數合可頑服也雖不得多相繼服之其計前所 由就 得千歲矣石硫黄芝五岳皆有而箕山為多其 亦如石中黄子状但不皆有耳打 壽則千歲但欲多服唯思難得耳石腦之生 此服之而長生故 枚 初 破之其在石中五色光明 復以富貴累意不受 破大滑石干 而 自 動 服

崖岸之間其濡濕者可凡服其已堅者可散服如此有 方寸七日三盡一枚則三千歲也千歲之枯水其下根 之甚滑燒之不然帶之辟兵以帶雞而雜以他雞十二 百二十皆石芝也事在太乙王策及昌宇生作内記不 欽定四庫全書 其上生小水状似連花名曰水威喜芝夜視有光持 具稱也及夫木这者松脂淪入地干歲化為茯苓萬 終不傷也從生門上採之於六甲陰乾之百日末 共龍之去之十二步射十二箭他 雞皆傷帯威喜步

左足也又刮以雜巨勝為燭夜遍照地下有金玉寶藏 沂 どく 千歲也又松樹枝三千歲者其皮中有聚脂状 逢身 刀圭其腫痛 坐人長七寸刻之有血以其血途足下可以步行 没以塗人鼻以入水水為之開可以止住 變青而下垂以鎮 以摩之皆手下即愈假令左足有疾則刮射 則 隱形欲見則拭之又可以治病 在外者隨其所在刮一刀圭即 掘之可得也末之服盡十斤 在腹内 淵 如如 其腫 刮 底 痛 服

花朴子内的

鳥高不過五尺生於名山之陰東流泉水之上以立夏 之白日昇天也黄盧子尋木華玄夜華此三芝生於泰 芝實生於都廣其皮如總蛇其實如鸞鳥此三芝得服 名曰日飛節之大者重十斤末服之盡十斤得五百歲 渠芝寄生大水上如蓮花九莖一叢其味甘而辛建木 有光扣之枝葉如金石之音折而續之即復如故木 又有典桃之其木如昇龍其花葉如丹羅其實如翠 使何之得而末服之畫一株得五千歲也参成芝赤

定四月 ·

参二

仙 丈 服之者千歲黃蘗木下根 谷之上其所生左右無草得其大魁末服之盡則 有 要鄉及奉髙有得而服之皆令人壽千歲黃葉檀 不死也此華復有百二十種自有圖也草芝有獨 風 如斗有細者如雞子十二枚周続大根之四方 いく 自動其並大如手指赤如丹素葉似竟其根 細 相去文許皆有細 根 相連状如縷得末而 抱朴子内篇 根 有如三斛器去本株 如白髮以相連生高 服之盡一枚則成 1

為鱗其根則如蟠龍服一枚則得千歲矣麻母芝似麻 状似意特生如牛角長三四尺青色末服方寸七日 色二十四枚軟相連而垂如貫珠也白行芝高四五尺 至百日則得千歲矣龍仙芝状似昇龍之相負也以葉 隠 似梅常以大雪而花季冬而實朱草芝九曲曲有三葉 而並赤色花紫色珠芝其花黄其葉赤其實如李而紫 千歲服其細者一枚百歲可以分他人也懷其大根 形欲見則左轉而出之牛角芝生虎壽山及吳坂 定四日九月二十 矢皆反還自向也千歲蝙蝠色白如雪集則倒懸腦重 重以五月五日中時取之陰乾百日以其左足畫地 厳肉芝者 謂萬嚴蟾蜍頭上有角 颔下有丹書八字 雜上如偃盖中有甘露紫氣起數尺矣龍御芝常以 有三實也五德芝状似樓殿並方其葉五色各具而 為流水带其左手於身辟五兵若敵人射已者弓弩 十種皆陰乾服之則令人與天地相畢或得千歲二 春對生三節十二枝下根如坐人凡此草芝又有百

たこのことは

托打手內為

縆 取 風 見 其甲大炙椿服方寸七日三畫一 五色具馬其雄 也此二物得而陰乾末服之令人壽四萬歲千歲霊 人乗 入打 車以焼之新盡而 其口以向 似貂青色大 車馬長七八寸者內芝也捉取 7)之如皮囊 風 额上两骨起似角以羊血浴之乃剔 如狸 須更便活而起走以石上莒 鐡 生 此 獸 於南海大林中 鎚 鍛 在灰中不燃其毛不 工其數千 具壽千歲行山中 或作 服 張 之 網取 即 仏 骐、

服 炭 舊其巢户北向其色多白而尾屈取除乾末服 草入名山必以三月九月此山開出神藥之月也勿 之中或生大木之下或生泉之侧其状或如宫室或 鼻即死取其腦以和荊花服之盡十斤得五百歲也干 方寸七令人昇仙中者數千歲下者千歲也欲 馬或如龍虎或如人形或如飛鳥五色無常亦百二 百歲凡此又百二十種此皆肉芝也菌芝或生深 自有圖也皆當禹步往採取之刻以骨刀陰乾

托汁于內落

以芝與人人則 Ð 山 扩 支干上下相生為 陰之日明堂之時帯靈寶符奉白大抱 神喜必得芝也又採芝及服芝欲 Ð 及 專 亦 開 必以天輔時三奇會尤住出三奇吉門到 終不 山符 精 行 雖 能 **機德導又不晓入山之析** 粮著大石上執吳唐草祗 得也山無大小皆有思 践之不可見也又雲母有五 佳 比諸芝名 山多有之但凡 得 神其思: 作一把 雖得其圖 白 王 難以 相 種 庸 白 神 而 脑 湏

宜 青者名雲英宜以春服之五色並具而多赤者名雲 多不能分别也法當举以向日看其色詳占視之乃可 五色並具而多黑者名雲母宜以冬服之但有青黄 色者名雲沙宜以季夏服之晶晶純白名磷石可以四 知耳正丽於陰地視之不見其雜色也五色並具而多 以夏服之五色並具而多白者名雲液宜以秋服 以露於鐵器中以玄水熬之為水或以硝石合於 長服之也服五雲之法或以桂蔥水玉化之以為

把朴子内品

+ +

愈 生也又云服 三年老翁反成童 交 日 月 名 三 埋 自 内 為 濡 之為水或以蜜搜為酪或以秋 然也又 猛 £¥. 粉或以無顏草樗 火 中經· 辣不 瘡 雖 向 넁 之十年雲氣常覆其上服 水餌之皆當先以茅屋窗水若 時 與 日看之晚晚純黑色起者不 子 儿 終 人相 五年 不燃埋之永不 血 一合餌 見又 則 役 使 Ž 他 (露漬 服之一年則 鬼 物 腐)神入火不· 埋 敗 其 之 之百日幸 み以、 EP 故 中 朽 焼 致 百 币 服 令 其 病

明 瞱 水渍之百日淘汰去其土石乃可用耳中山衛 之於赤土下或以 黄當得武都山所出者純而 子名世及漢 作 晔者乃可用耳其但純黄似 酒 久能乗雲而行以其方封 餌或先以硝 仙藥可以合理 (使者梁 石 病藥耳餌 化為 胎 シトチ内 伯 和之或以 得 水乃凝之或以玄 Č, 而 之玉匣之中仙去 雄黄色無赤光者 按 無 服 雜 方合服皆得 之法或以蒸煮之 其赤 わ 鍊之引之如 女口 胴 雞 腸 冠

真者玉之别名也令人匀飛 布 欽 女常以黄玉為誌 定匹庫全書 黑堕菌生千日則玉女来侍可得役使以致行 如金服玉者壽 者鬼試人耳 之為水亦可以葱浆消之為抬亦可餌以為九亦 夕口 服一二百斤 水服之皆令人長生百病 £ 玉也又曰服玄真者其命 亦仙藥但難得耳玉經曰服 乃可知耳玉可以烏米 大如泰米在鼻上是真玉女 ,輕舉不 除三尸下瘢痕 但 地 仏 酒 而 及地 厨 金 極 者 白

部界中玉及日南 乃可用也得于関 焼以為粉服之一年已上入水不霑入火不 玉為 傷 散髮洗沐寒水迎風 状也若服玉屑 令人不 百毒不犯也不可用已成之器傷人無益當得 水 而 死所 服 之故 盧容水中 以為 者 能 画 乗 白 宜 不 玉尤善 而 + 及 烟 £ 行 Ę 上下也玉屑服之典 金者令人數數發 亦佳赤松子以玄蟲 靱 不發 其次有南 服 雄黄丹砂各 熱也董君異 陽徐善亭 灼刃 血

Bry Port of the Party

把补子

内篇

說 此 玉 醴 彈 亦 琛 不 玉 與盲人服 壁 經 服 可 中 方 但 以朱草酒 用 及 服 不 校 又非清 乃 不 之可以長久酪浆漬之皆化 具 及金玉耳 欺息曰事不 了不 之目旬日而愈有吳延 作 貧道士 劍 餌 所 之 知 其節度禁忌 用 亦可 可以 甚多欲 所 可 い 木 能 龍 仙也 得 精 唐鎮之 餌 不 سطد 治服之後 服 但 义 15 一無益乃矣、 人真珠 之 ~雅者志欲 招 法 合 然三服 以麥提 徑 余為 作招 亦 服

血 服 從 之絕般服之則不死而長生也淳添 能步行水上長生不死也巨勝一 鼻去一年六甲行厨至也桂可以总第合蒸作 其中或以雲母水或以玉水合服之九蟲悉下惡 竹涯合餌之亦可以先知君腦或云龜和 風濕 通神長生餌之法或以大無 石水蜂窠化之包形蛇黄合之可引長三四尺九 城補東老也 挑膠以桑灰汁漬服之百病愈久 花朴于内篇 **腾公子或云大蟹** 名胡麻饵 不沾者服之 服

單服也重飛散未共九制命九羊血九皆令人肚年却 合泥封之二十餘日其表皮皆爛乃洗之如大豆日服 **楚飛鹿澤鴻地黄黃連之屬凡三百餘種皆能延年** 四十歲能夜書行及奔馬後入青龍山去槐子以新爽 断般村作木實之赤者餌之一年老者還少令人 此物主補腦久服之令人髮不白而長生玄中蔓方 之身輕有光明在晦夜之地如月出也多服之則可 視見思告道士梁須年七十乃服之轉更少至年百

定匹度全意

司空王暢太尉劉寬太傅素隗皆為南陽太守每到官 中 生甘朝南花墮其中歷世彌久故水味為變其臨此谷 老也南陽麒縣山中有甘谷水所以甘者谷上左右皆 風 **痺及眩胃皆得愈但不能大得其益如甘谷上居民** 十五歲下者不失八九十無天年人得此朝力也故 小便飲食此水者耳又菊花與意花相似直以甘 使解縣月送甘谷水四十斛以為飲食此諸公多恵 居民皆不穿井悉食甘谷水食者無不老壽高者百

定日車全書 一

把补子内篇

美而近来服之者略無効正由不得真前也夫甘谷水 真蒴但為少耳率多生於水側綠氏與點縣最多仙 得萬之氣味亦何足言而其上居民皆以延年况将復 好藥安得無益乎余亡祖鴻臚少卿曾為臨沅令云此 有廖氏家世世壽考或出百歲或八九十後徙去子 轉天折他人居其故宅復如舊後累世壽考由此乃 謂日精更生周盈皆一新而根並花實異名其說 之而朝甘而意苦諺言所謂苦如意者也今所在有 方

云 余 頭 置 自 山穴中瞿在穴中自 左 井 陳乞哀於是仙人以一囊藥賜之教 聞上黨有 右 及 是以飲 活 得古人埋 經過穴見而哀之具問訊之瞿 流 棄之子孫轉相注易其家乃實糧将之 其水 趙瞿者病癩歷年衆治之不愈垂死或 丹 砂 92. 得壽况乃餌錬丹砂 銰 + 不幸畫夜悲歎涕泣經月 斛去數尺此 知其異人 其服 丹砂汁因泉 而 服之手 瞿 有

己十子内品

是宅之所為而不

知其何故超其井水殊赤乃試

人長二三寸面 氣 瞿 之 欽 白 耳 力 定匹庫全書 夜 家人初謂之思也甚為問瞿遂長 百 3F 謝 山中更多此 而 百 許日瘡都愈顏色豊悅 卧 受更生活之思乞丐其方仙人告之曰 .忍見屋 漸 倍 大一室畫 登危越險 體 間 物 皆具但為小耳遊戲其口鼻之間 有 明 光 終 汝鍊之服可以長生不 人 如晝日又夜見 日 不 女口 鏡 極 肌膚玉澤仙人又過視 年百七十萬 者 いく 服 問 Ļ 面 松 左 上有 脂 此是 月 右皆云 死瞿 不 堕 體 髮 乃 松 轉 歸 胎 不

中見一人無衣 獨笑在人間三百許年色如少童乃入抱犢山去 平運驢負積之盈室服也一世時開瞿服松胎 止有志者難得如是 合圍得之乃是 越谷 女 如飛騰で、 有 漸長大出在其側又常聞琴瑟之音 婦人問之言 己什子内篇 如此於是競四 之遠者不過一月未覺大 本是 服 之 胩 欲 乃客伺 泰之官人也 猫 其多役力 逐取之 者於 紋 有 者

쉾 (官人 臭嘔 向 関 定四月五三 一 饑鵔十年乃来還 使 使 東賊至秦王出降宫室焼 大亂 死有一老翁教我食松葉松實當時苦滋後 (至成帝之世三百許歲乃将歸 吐累日 不饑 不 处去山中饒国 為人所 不渴冬不寒夏不熱計此女定是秦王 乃安 得 便成 如是二年許自毛乃脫落轉老 鄉里顏色更少氣力勝故 本二 欲 "仙人矣南陽文氏說其先 死 **堵驚走入山熊無** 有一 教之食术遂 以敕食之初 所 稍 剛 祖

自

長 山中時身輕欲跳登高履險歷日不極行水雪中了不 年身生毛日視書萬言皆誦之冬恒不寒又菖蒲須 得其力是其藥力有轉相勝畏故也韓終服菖蒲十三 寒常見一高岩上有數人對坐博戲者有讀書者便 可也术一名山前一名山精故神藥經曰必欲長生 合神丹金液而异太清耳人若合八物錬而服之 服 ,文氏因阅其相問言此子中呼上否其一人答言 山精苦仙人八公各服一物以得陸仙各數百年

ことりも

欽定四庫全書 T 茯苓十八年仙人玉女往從之能隱能彰不復食穀 生石上一寸九節已上紫花者尤善也趙他子服桂 黄八年夜視有光手上車等也林子明服木十一年 皆滅面體玉光陵陽子仲服遠志二十年有子三十 長五寸月輕如飛能超踰淵谷二丈許杜子微服天 十六年色如玉女入水不需入火不灼也楚文子 年足下生毛日行五百里力舉千斤移門子服五味 冬御八十妾有子百三十人日行三百里任子季服

榰 中黄子服食節度云服治病之藥以食前服之服養性 藥以食後服之吾以咨鄭君何以如此鄭君言此 得數百歲忽怠於神丹終不能仙 食後服之則藥但攻較而力盡矣若養性而以食前 拉耳或問服食藥物有前後之宜乎抱朴子答曰按 而已非長生之藥可知也未得作丹且可服之以 開書所視不忘坐在立亡仙經曰雖服草木之 以藥攻病既宜及未食内虚令藥力勢易行若 以此論之草木 白

花朴子内石

赤色樂屬水不宜服白色樂屬水不宜服黃色樂屬 者角與水也若本命屬土不宜服青色樂屬金不宜服 屬丁一言得之者官與土也三言得之者徵與火也 言得之者羽與水也七言得之者商與金也九言得 玉策記及開名經皆以五音六屬知人年命之所在子 服藥則藥力未行而被穀驅之下去不得止無益也 屬與卯酉屬已寅申屬戊且未屬辛辰成屬丙已 曰人服藥以養性云有所宜有諸乎抱朴子答曰按


剋金金剋木故也服金丹大藥不復論宜與不宜也 不宜服黑色樂以五行之義木剋土土剋水水剋火火 三言徴 五言羽 一言宫 庚子庚午 甲辰甲戌 甲寅甲申 丁酉丁卵 丁亥丁已 丁未丁丑 抱朴于内花 戊午戊子 乙亥乙巳 戊寅戊申 辛未辛丑 壬辰壬戌 乙卵乙酉 癸已癸亥 丙子丙午 已卵已酉 丙辰丙戊 巴未已丑 丙寅丙申 *

動文四人 とこ 如此三步當湍二丈一尺有九跡小神方真丹三斤白 禹步法 七言商 九言角 戊辰戊戌 前舉左 次舉右 右過左 辛己辛亥 辛卯辛酉 甲子甲午 壬午壬子 已已已亥 右 右過左 乙丑乙未 壬申壬寅 就 就 左 **庚辰庚戊** 癸丑癸未 次舉右 **再寅庚申** 左 癸卯癸酉 就右 就 左

百 出二百入即 亦可一 髮白更黑齒堕更生身體 六斤合和日曝煎之令可九旦服 出指 服長生不 銀 亦 間 丸外 可 餌 即 矣人間 為 與金司 死也小餌黄金方火銷金內清 複 沸 实 矣握之出 銷 小丸服三十日無寒温神人玉女 服之 耂 内 法 把扑手內篇 服 名 酒中無數也成服 此二物 拈 地仙勿妄傳也兩餌 潤澤長服之老翁還 間 令如泥岩 如麻子十九末 可居名山石室 不 车七 女口 沸 彈 酒中 及 丸 握

煎之土爐 愈三尸去服之百日 上煎之今可 七當 偖 醇苦酒三升淳添二升 也 欲食去三尸藥 地食半斤金毒二千歲 員革方胎三斤醇苦酒一斗取 以王 以金置 丸 相 服 之日作之神良勿傳人傳人藥不 肪 常服 麻 肌骨 中百入百出苦 子 睦 三丸 丹砂 强 五雨千二百歲多少 餌 服 Ð 丹 之千日司命削 再 物 黄金五两置 砂法 酒 四 亦 合令 十日日 八丹砂一 可冷 腹 相 中 得 器

無影乃别有光矣 死籍與天地相畢日月相望改形易容變化無常日中 てこり **把补子内属**



作の変が異なった。

校對官庶吉士臣總校官追士臣

銀監生 臣姚鍾英

臣胡 崇

翟